



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. III. Apostolica 4. Propositionis censura defenditur.

urn:nbn:de:hbz:466:1-39351

DE PROPOSITIONE IV. 411

gratia tollit omnem resistantiam, est summæ efficacæ, effectum potentissimè insert, & hõc ipsò quò effectu destituitur, solò Pelagianæ gratiæ adiutoriò ad iustitiæ præcepta actus homo nititur &c. prout videre perlicet ad propositionem secundam.

Cum ergò Semi-Pelagiani talem gratiam ad initium fidei non admitterent, sed aliam, scilicet Adamæam, cui utique resisti potest, requirere visi sint Jansenio; censuit eos à Pelagianæ gratiæ professione non desciscere, adeoque damnati dogmatis reos esse, concedendo naturæ lapsæ gratiam à Medicinali Christi gratiâ prorsus degenerem, id est, cui, in sensu compositò, voluntas humana obtemperare, vel resistere posset.

S E C T I O I I I.

Apostolica quartæ propositionis censura defenditur, quæ sic sonat: Falsam & hæreticam declaramus, & uti talem damnamus.

PRimam hujus propositionis partem, asserentem Semi-Pelagianos admisisse ad initium fidei necessitatem gratiæ interioris, affatim de falsitate revicimus Augustini verbis & exemplis. Proindè illò ex capite, *quod talem gratiam admitterent, cui voluntas humana resistere posset vel obtemperare*, damnati non sunt. Nam qui nullam gratiam admiserunt necessariam ad initium fidei, procul dubio nec admiserunt talem v. g. Adamæam, licet oppositum contendat Jansenius Massiliensibus affricare. Si igitur ex me sciscitetur quispiam, cur ut hæretici damnati sint?

Responsum referet: Quia naturam sibi sufficere ad credendum, sanitatemque petendam asseverarunt, quasi *fides aucta merces sit fidei capta*. Et quia hõc pactò in illud in Pelagio damnatum inci-

incidèrunt : *Gratiam Dei secundum merita nostra dari* , quod illis ab Augustino frequenter inculcarum , & infartum est.

Quod si quis eos internam gratiam ad initium fidei postulasse pertinaciter contenderet , equidem nec eò titulò fuissent hæretici , quod talem gratiam admitterent , cui voluntas humana resistere posset etiam in sensu composito. Nam affatim monstratum est , non omnem Christi gratiam esse triumphantem , non omnem victricem esse ostendimus , quia victam dedimus. Nequè soli Moliniani , quos Jansenius Semi-Pelagianis componit , sed & efficacis gratiæ defensores gratiæ resisti posse asserunt , signanter gratiam Thomisticè potentem seu sufficientem admittentes , quam & ipse Arnaldus veneratus est , cuiusque præsidio & primam & secundam propositionem ut hæreticas insectatus est , ut claret ex Epistolâ illius ad Illustrissimum Fratrem suum Andegavensem Episcopum.

Quod si Semi-Pelagiani damnati forent ut hæretici , ex eo quod gratiam admisissent , cui voluntas humana resistere posset , jam Catholici essent hæretici , quia Catholici modò docent sinè periculo , gratiæ non tantum resisti posse , sed & sæpè numero de facto resisti , & signanter Thomisticæ , & qui eorum sufficientem gratiam adoptant. Imò damnata ut hæretica Janseniana secunda : *interiori gratiæ numquam resistitur in statu nature lapsæ* facile in Catholicam transmigraret. Si namque hæreticum sonat : Potest humana voluntas gratiæ resistere ; ergò Catholicè dicetur : non potest resistere. Et si Catholicum sit : non potest resistere ; quid nî Catholicissimum erit : *Gratiæ numquam resistitur*. A negatâ enim resistendi potestate ad denegatum perpetuò actum recta conlectio fuit.

LIBER